



**CONVENIO DE COLABORACIÓN ENTRE A CONSELLERÍA DE ECONOMÍA,
EMPREGO E INDUSTRIA E A CÁMARA OFICIAL MINEIRA DE GALICIA PARA
O MANTEMENTO DO CENSO CATASTRAL MINEIRO E O
DESENVOLVEMENTO DUNHA XORNADA SOBRE AS NORMAS DE XESTIÓN
MINEIRA SOSTIBLE**

En Santiago de Compostela, a 29 de marzo de 2016

REUNIDOS

Dunha parte, Francisco Conde López, Conselleiro de Economía, Emprego e Industria, actuando en nome e representación da Xunta de Galicia, en virtude das facultades que lle confire o Acordo do Consello da Xunta de Galicia do 27 de marzo de 1991, sobre convenios de cooperación con outros entes públicos e de colaboración con particulares, feito público mediante resolución do 8 de abril de 1991, da Consellería de Economía e Facenda (D.O.G. do 30 de abril de 1991).

E pola outra, _____, como Presidente da Cámara Oficial Mineira de Galicia, entidade domiciliada en _____, segundo se desprende do Acta da Xunta Xeral Extraordinario para a elección de membros de Xunta Directiva, celebrada o día 21 de outubro de 2013 en Santiago de Compostela, e da Xunta Directiva para nomeamento de cargos da Cámara celebrada o día 30 de outubro de 2013 en A Coruña.

As partes recoñécense mutuamente a capacidade suficiente para asinar este convenio de colaboración, asumindo as responsabilidades orzamentarias e de todo tipo que de el se deriven.

EXPOÑEN

PRIMEIRO.- Que corresponde á Consellería de Economía, Emprego e Industria, a través da Dirección Xeral de Enerxía e Minas, de acordo ao establecido no Decreto 175/2015, de 3 de decembro, polo que se establece a estrutura orgánica da Consellería de Economía, Emprego e Industria, a elaboración e seguimento de propostas e programas conducentes ao apoio do sector mineiro.

SEGUNDO.- Que a Cámara Oficial Mineira de Galicia, corporación de dereito público e órgano consultivo da Administración, ten encomendado, en xeral, o fomento da industria mineira nesta Comunidade Autónoma e, en concreto, a redacción de estudos e traballos e o establecemento e desempeño dos servizos que se estimen necesarios, útiles ou de proveito para os intereses xerais da minería.



TERCEIRO.- Que en coherencia coas funcións indicadas no parágrafo anterior, o 1 de marzo de 2010 a Consellería de Economía, Emprego e Industria asinou coa Cámara Oficial Mineira de Galicia un convenio de colaboración co obxecto do desenvolvemento do Rexistro Catastral Mineiro de Galicia, o actual Censo Catastral Mineiro, consistente na integración nunha única plataforma informática a información relativa aos dereitos mineiros da Comunidade Autónoma de Galicia co fin de facilitar o acceso ao público á información relativa dos devanditos dereitos de maneira áxil e eficiente e que sirva de ferramenta de consulta.

CUARTO.- Que o antedito sistema informático debía ser flexible e actualizable, permitindo a inclusión de información adicional que poda ser de interese para a ordenación e a planificación do sector mineiro de Galicia. A Consellería de Economía, Emprego e Industria e a Cámara Oficial Mineira de Galicia consideran de especial interese o desenvolvemento das actuacións incluídas no presente convenio de colaboración co que manter en funcionamento e actualizada esta plataforma.

QUINTO.- Que a tal fin, na Lei 12/2015, do 24 de decembro, de orzamentos xerais da Comunidade Autónoma de Galicia para o ano 2016, figura a aplicación orzamentaria 09.20.734A -781.3 para o desenvolvemento do presente Convenio.

En virtude do anteriormente exposto, acórdase a sinatura dun Convenio de Colaboración entre a Consellería de Economía, Emprego e Industria e a Cámara Oficial Mineira de Galicia, conforme as seguintes:

CLÁUSULAS

PRIMEIRA.- OBXECTO.

O obxecto do presente convenio é regular a colaboración entre a Consellería de Economía, Emprego e Industria e a Cámara Oficial Mineira de Galicia para o mantemento do Censo Catastral Mineiro e o desenvolvemento dunha xornada sobre as normas de xestión mineira sostible.

SEGUNDA.- XUSTIFICACIÓN DA DIFICULTADE DA CONVOCATORIA PÚBLICA.

A Cámara Oficial Mineira de Galicia é unha Corporación de dereito público e órgano consultivo da Administración, que ten encomendado, en xeral, o fomento da industria mineira nesta Comunidade Autónoma e, en concreto, a redacción de estudos e traballos e o establecemento e desempeño dos servizos que se estimen necesarios, útiles ou de proveito para os intereses xerais da minaría.

Posto que a Cámara Oficial Mineira de Galicia é o único organismo representativo das empresas do sector mineiro en xeral, o desenvolvemento das actividades obxecto do presente convenio atópanse entre as funcións que ten encomendadas a COMG, é o que desenvolveu esta plataforma –tal e como se indica no terceiro antecedente de feito-, concorren circunstancias excepcionais que determinan a imposibilidade de promover a concorrência pública, dada a finalidade e as características singulares das actuacións a realizar, aos efectos



do establecido no artigo 19.4 e 26 da Lei 9/2007, do 13 de xuño de subvencións de Galicia, constando nos orzamentos xerais da Comunidade Autónoma de Galicia para o ano 2016 a aplicación orzamentaria para o seu financiamento 09.20.734A -781.3 "Convenio coa Cámara Oficial Mineira de Galicia".

TERCEIRA.- OBRIGAS DA CÁMARA OFICIAL MINEIRA DE GALICIA.

1) Mantemento do Censo Catastral Mineiro de Galicia

Para o mantemento do Censo Catastral Mineiro é necesaria a realización dunha serie de actividades que garantan tanto o acceso público como a validez da información contida no mesmo:

A) Mantemento do sistema

O Censo Catastral Mineiro naceu como ferramenta para facilitar a xestión, tramitación e implantación das actividades extractivas e na que os cidadáns dispoñan dun sistema de información de acceso público, libre e gratuíto. Isto esixe un plan de mantemento do sistema de informático, para o cal é necesario realizar unha serie de actuacións preventivas que aseguren o correcto funcionamento do sistema, así como unha rápida recuperación e restauración en caso de fallo:

- Estruturais:
 - Licenzas de Software.
 - Housing. Aloxamento do servidor.
 - Mantemento paliativo do servidor: substitución de elementos en caso de avaría.
- Copias de seguridade periódicas:
 - Copia de seguridade mensual da base de datos alfanúmerica.
 - Copia de seguridade das capas de información georeferenciada.

B) Actualización da información contida no sistema.

O Censo Catastral Mineiro contén unha serie de información cuxa validez reside de xeito importante na súa actualización:

- Actualización da información mineira (dereitos, explotacións e documentación ambientais destas): inclusión das novas solicitudes ou dereitos, así como a actualización do estado destes, a través da colaboración directa coa Dirección Xeral de Enerxía e Minas:
 - Coordinación coa Administración para a actualización e contraste dos datos contidos no Censo Catastral Mineiro de xeito áxil, que permita que os datos se manteñan permanentemente actualizados e queden incorporados automaticamente dende a súa comunicación.
 - Consultas as entidades mineiras (titulares e explotadores) para o contraste de datos. Así como as consultas sobre a publicación, dentro da parte restrinxida do sistema, dos documentos acreditativos da situación administrativa dos dereitos e explotacións.



- Actualización da información adicional recollida nas diferentes capas do sistema informático a través da colaboración con distintos organismos: IGME, SITGA, IGN, MITYC, Confederacións Hidrográficas, Consellería de Medio Ambiente,...

Ademais desta actualización da información contida no sistema, formularase un programa de Actualización Evolutiva do sistema, mellorando a súa funcionalidade e incluíndo novos bloques de información se foran de interese para o sector.

Do mesmo xeito, a Cámara Oficial Mineira de Galicia quedará obrigada a ceder automaticamente á Administración Mineira aqueles datos e información que esta lle requira en relación co contido desta plataforma.

2) Organización dunha xornada sobre as normas UNE de xestión mineira sostible.

España é pioneira no desenvolvemento de normativa de xestión mineira sostible. En 2008, e coa participación da COMG, desenvóléronse as normas:

- *UNE 22470:2008 Sistema de gestión minera sostenible. Requisitos.*
- *UNE 22480:2008 Sistema de gestión minera sostenible. Indicadores.*

A finais do ano 2015 finalizou o proceso de revisión e actualización de estas normas coa publicación do novo texto. Ambas normas permiten realizar de maneira sistemática o seguimento e control de indicadores que permitirán a mellora continua da integración das explotacións no medio a contorna e a sociedade onde se localizan. Permitindo:

- Desenvolver de actividades extractivas máis seguras e menos contaminantes.
- Dar confianza a todos os axentes (sociais, económicos e ambientalistas) de que a industria mineira é compatible co desenvolvemento sostible.
- Mellorar a competitividade do sector mineiro.
- Mellorar a prevención de accidentes na explotación mineira.
- Mellora do rendemento ambiental global da industria.
- Xestión correcta dos residuos xerados, incluído a reciclaxe.
- Mellora a imaxe da minaría.

Compre trasladar ao sector tanto as novidades como os casos de éxito na implantación destas normas na xestión das explotacións mineiras. Por este motivo realizarase una xornada informativa/formativa sobre as implantación destas normas, destinada a todos os axentes que forman o sector e de acceso a o público en xeral.

CUARTA.- OBRIGAS DA CONSELLERÍA.

A Consellería de Economía, Emprego e Industria financiará os gastos que xeren as actividades obxecto do presente convenio aludidas na cláusula anterior, ata un máximo de SESENTA MIL EUROS (60.000,00 €), IVE incluído.

Para a realización das actividades obxecto do presente Convenio de Colaboración a desenvolver pola Cámara Oficial Mineira de Galicia destinaranse a cantidade de SESENTA



MIL EUROS (60.000,00 €) con cargo á aplicación orzamentaria 09.20.734A -781.3 dos orzamentos xerais da comunidade Autónoma para o ano 2016. O orzamento de gastos por actividades é o seguinte:

ACTIVIDADE	ORZAMENTO
Mantemento do Censo Catastral Mineiro de Galicia	50.000,00
Xornada Normas de Xestión Mineira.	10.000,00
TOTAL CONVENIO 2016	60.000,00

QUINTA.- SUBCONTRATACIÓN DAS ACTIVIDADES SUBCONTRATADAS.

A subcontratación dos servizos necesarios para acometer as actividades a desenvolver ao abeiro do presente convenio poderá acadar ata o 100 % das mesmas, e realizarase de acordo aos límites e obrigas establecidos no artigo 27 da Lei 9/2007, de 13 de xuño, de subvencións de Galicia e no artigo 43 do seu regulamento. En todo caso, a Consellería de Economía, Emprego e Industria poderá comprobar, dentro do período de prescrición, o custo así como o valor de mercado das actividades subcontratadas.

A entidade beneficiaria non poderá concertar a execución total ou parcial das actividades subvencionadas con empresas ou persoas vinculadas coa entidade solicitante, agás que concorran as circunstancias previstas no artigo 27.7 d) da Lei 9/2007, do 13 de xuño.

No caso de que a entidade beneficiaria reúna os requisitos previstos no artigo 3.3 b) do Real decreto legislativo 3/2011, do 14 de novembro, polo que se aproba o texto refundido da Lei de contratos do Sector Público, terá consideración de poder adxudicador, e polo tanto, deberá someterse á disciplina de contratación pública nos termos previstos no devandito texto normativo.

SEXTA.- MODOS DE PAGAMENTO.

De acordo co artigo 63.1 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, para o caso de subvencións de capital, o primeiro pagamento realizarase por un importe de TRINTA MIL EUROS (30.000,00 €) unha vez asinado o convenio e o segundo pagamento polo importe restante, é dicir TRINTA MIL EUROS (30.000,00 €), unha vez xustificado o obxecto de convenio na forma e cos requisitos previstos na súa cláusula oitava, con cargo á aplicación orzamentaria recollida na cláusula cuarta.

En relación ao anticipo do pagamento, de acordo co establecido no artigo 67.1 do Decreto 11/2009, do 8 de xaneiro, en relación co artigo 65.4.b), a Cámara Oficial Mineira de Galicia, ao considerarse entidade vinculada coa Xunta de Galicia, queda exonerado da constitución de garantía.



SÉTIMA.- INCOMPABILIDADE CON OUTRAS SUBVENCÍONS.

O financiamento das actuacións obxecto do presente convenio por parte da Consellería de Economía, Emprego e Industria será incompatible con outras subvencións, axudas, ingresos ou recursos para a mesma finalidade, procedente de calquera administración ou ente público ou privado, nacional, da Unión Europea ou de organismos internacionais, a menos que as posteriores axudas se destinen a unha ampliación ou mellora da actividade subvencionada e sen que en ningún caso se rebase o custo.

OITAVA.- PRAZO E FORMA DE XUSTIFICACIÓN.

A data límite para a presentación da correspondente xustificación da realización das actividades do presente convenio será o 15 de decembro de 2016. Admitiranse os xustificantes de gastos realizados dende o 1 de xaneiro de 2016 ata o 15 de decembro de 2016.

A xustificación da subvención por parte do beneficiario realizarase mediante a achega da seguinte documentación:

A. Certificación do órgano que teña atribuídas as facultades de control da toma de razón en contabilidade do cumprimento da finalidade do convenio e da aplicación dos fondos destinados para tal efecto.

B. Declaración responsable do rendemento da conta xustificativa segundo o modelo recollido no Anexo I do presente convenio que inclúa o seguinte:

1. Memoria de Actuación xustificativa do cumprimento de cada un dos programas ordinarios obxecto do convenio. Presentarase un informe final detallado para cada un dos programas con indicación das actividades realizadas para o seu desenvolvemento, indicando o grao de cumprimento respecto ao planificado e os resultados obtidos, no seu caso, achegarse un exemplar dos estudos ou proxectos elaborados, así como calquera entregable, material gráfico, folleto ou fotografías que se obteña no desenvolvemento de cada actividade. Así mesmo, para cada un dos programas obxecto do convenio, deberá acreditarse o financiamento da Dirección Xeral de Industria, Enerxía e Minas.

2. Unha Memoria Económica xustificativa do custo das actividades realizadas por cada un dos traballos obxecto do convenio que conterà:

a. Unha relación clasificada dos gastos e inversións da actividade, con identificación do acredor e do documento, o seu importe, data de emisión e data de pago. Esta táboa virá asinada e selada polo responsable da entidade. A relación de gastos figurarán por orde cronolóxica para cada tipo de programa (ademais do formato papel entregarase formato dixital –folla de cálculo- de acordo aos modelos establecidos no anexo).

b. Orixinais ou fotocopias compulsadas dos documentos acreditativos do investimento ou actuación consistentes en facturas dos provedores ou documentos de valor probatorio equivalente:



Os documentos de gasto ordenaranse por programa seguindo a mesma orde que a indicada na relación clasificada dos gastos.

As facturas e xustificantes de gasto deberán reunir os seguintes requisitos, de acordo co establecido no Real Decreto 1619/2012 relativo ás obrigacións de facturación:

- Deberá poder identificarse de forma clara o número da factura e a súa data de emisión.
- Deberá identificarse correctamente tanto o destinatario dos bens ou servizos como o obrigado a expedir a factura, incluíndo as súas correspondentes razóns ou denominacións sociais, números de identificación fiscal e domicilio.
- O concepto da factura deberá ser claro e relacionado coa actividade subvencionada, describindo as operacións e a data de realización das mesmas.
- No caso das subcontratacións o documento xustificativo ou factura deberá facer referencia á actividade ou tarefas subcontratadas no marco do proxecto en cuestión.
- Deberá poderse identificar o tipo impositivo ou tipos impositivos aplicados ás operacións.
- Finalmente, deberá poderse identificar a cota tributaria repercutida, que deberá consignarse por separado.

En calquera caso, o importe xustificado de cada factura será o valor total da mesma sen IVE. Para poder incluír o IVE como gasto financiable, o beneficiario deberá presentar o correspondente Certificado de estar exento do pago do IVE.

Cada documento xustificativo achegado deberá conter un selo da entidade no que se indique a imputación do gasto ao proxecto subvencionado. Para isto deberá indicarse como mínimo: Nome da entidade subvencionada, nome do convenio ou orde reguladora da subvención e contía imputada.

Se as facturas están en idioma distinto do galego ou español, deberase achegar tradución da descrición do servizo, subministración ou outro tipo de gasto que corresponda, debéndose axustar as facturas aos requisitos que esixa a lexislación de cada país estranxeiro.

Para a xustificación dos gastos de persoal deberá achegarse:

- Para as retribucións: Nóminas e contratos de traballo.
- Para as cuotas da Seguridade Social: Modelos TC1/ TC2 da TGSS. Se sinalarán no documento as liñas correspondentes aos traballadores que imputan horas ao proxecto.
- Xustificación bancaria do pago das nóminas e do pago da Seguridade Social.
- Para a imputación das horas: Unha certificación asinada e selada polo responsable da entidade, na que conste: nome e apelidos do persoal, posto de traballo que ocupa na entidade, tarefa que desempeñou relacionada coa



actividade subvencionada, número de horas adicadas, custo hora e importe total imputado.

O custo hora calcularase do seguinte xeito:

$$\text{Custo/hora} = (X+Y):H$$

X = Retribucións íntegras satisfeitas ao empregado, de acordo co declarado no modelo 190 do IRPF ou nóminas e contrato. Neste concepto non se inclúen importes correspondentes ás dietas.

Y = Cuota patronal anual satisfeita á Seguridade Social polo traballador, calculada aplicando á base de cotización expresada nos modelos TC2 debidamente identificada multiplicada polo coeficiente final resultante de la aportación do beneficiario á Seguridade Social por ese empregado.

H = Horas anuais do empregado segundo o convenio de aplicación ao beneficiario.

No tocante aos gastos de viaxe (máximo dúas persoas) considerarase como gasto máximo por desprazamento, realizado a través de autobús, tren ou avión, o importe do billete. Os gastos máximos por aloxamento e manutención serán considerados nas contías establecidas para o persoal funcionario, no Anexo II, Grupo 2, do Decreto 144/2001, de 7 de xuño de indemnizacións por razón do servizo ao persoal con destino na Administración autonómica de Galicia

Estes gastos xustificaranse mediante a presentación da seguinte documentación acreditativa:

- Os gastos de aloxamento e manutención xustificaranse mediante o documento de liquidación de dietas, podendo utilizar o modelo que aparece no Anexo e debendo presentar a correspondente factura expedida polo establecemento hostaleiro ou pola axencia de viaxes. Non serán obxecto de subvención os gastos extraordinarios como os de teléfono, minibar, etc
- Os gastos de desprazamento xustificaranse mediante documento de liquidación de dietas e gastos, detallado igualmente no Anexo, acompañado en todo caso dos correspondentes billetes e factura da Axencia de Viaxes.
- No caso de que se utilizaron os servizos dunha axencia de viaxes, deberase presentar, ademais da factura da mesma (na que se especifique o número de persoas e días de estancia, así como os conceptos obxecto do gasto: transporte, aloxamento, etc.) as facturas individuais ou colectivas dos establecementos hostaleiros ou documento acreditativo da prestación do servizo, así como os títulos de transporte para o mesmo fin.
- Cando as facturas sexan colectivas, presentarase a correspondente certificación da entidade na que conste o nome e relación coa entidade dos usuarios.

Serán subvencionables os custos indirectos correspondentes ao período comprendido entre o 1 de xaneiro de 2016 ata o 15 de decembro de 2016, tales como aluguer, mantemento, teléfono, enerxía, asesoría, material funxible, inscricións a publicacións periódicas, e os gastos



financeiros sempre que estean relacionados coa actividade subvencionada e sexan indispensables para a adecuada preparación ou execución da mesma. Os custes indirectos serán proporcionais ás horas imputables ao proxecto respecto do número de horas totais do persoal da entidade beneficiaria, para o período no que se realice a actividade subvencionada. Para a súa xustificación presentaranse os xustificantes de gasto e de pago correspondentes. O IVA correspondente aos gastos incluídos no sumatorio de custos indirectos será elixible unicamente no caso de que sexa real e definitivamente soportado polo beneficiario final ou destinatario último.

Cando o importe do gasto subvencionable supere as contías establecidas no Real decreto legislativo 3/2011 de 14 de novembro, polo que se aproba o texto refundido da Lei de contratos do Sector Público, para o contrato menor, o beneficiario deberá solicitar como mínimo tres ofertas de diferentes provedores, con carácter previo á contratación do compromiso para a obra, a prestación do servizo ou a entrega do ben, salvo que polas súas especiais características non exista no mercado suficiente número de entidades que as realicen, presten ou subministren ou salvo que o gasto se tivese realizado con anterioridade á solicitude da subvención.

A elección entre as ofertas presentadas, que deberá achegarse xunto coa xustificación, realizarase conforme aos criterios de eficacia e economía, e no suposto de non recaer a adxudicación na proposta económica máis vantaxosa, deberán achegar unha memoria na que se xustifique expresamente a elección do adxudicatario do contrato.

c. Orixinal ou copia compulsada da documentación bancaria dos pagamentos (excepción feita daqueles documentos dos que a empresa non custodia os orixinais -cheques-). Presentarase adxunto a cada documento de gasto o seu correspondente documento de pagamento e o extracto bancario onde figure o cargo correspondente.

No caso de que exista un mesmo documento de pagamento para varios documentos de gasto, fotocopiarase o documento de pagamento tantas veces como documentos de gasto aos que se faga referencia, e achegarase a cada un dos documentos de gasto unha copia do devandito documento de pagamento.

Non se admiten os pagamentos en efectivo.

Os xustificantes bancarios de pagamento deben coincidir exactamente co importe da factura, IVE incluído. No caso de que o importe reflectido no documento bancario non coincida co importe do documento de gasto (pagamento agrupado), deberase remitir un detalle dos pagamentos efectuados onde se poida identificar o documento de gasto en cuestión.

C. Xustificante das axudas obtidas ou declaración das solicitadas ou que se prevé obter para o mesmo investimento en calquera outra administración, entes públicos ou privados, nacionais ou internacionais; indicando a súa contía.

D. Certificados acreditativos de estar ao corrente nas obrigas tributarias e coa Seguridade Social e de non ter pendente ningunha débeda, por ningún concepto, coa Administración pública da Comunidade Autónoma.

E. Copia compulsada do último recibo do I.A.E, cando o beneficiario deba estar dado de alta no imposto de actividades económicas. No caso de que o beneficiario fose suxeito pasivo do IAE pero estivese exento do pago deste tributo, aportará declaración responsable na que se



fagan constar tales circunstancias. Por último, cando o beneficiario non estea suxeito á citada obriga tributaria aportará declaración responsable na que figure que non está suxeito a dito imposto.

F. Certificado relativo á situación do beneficiario con respecto ao imposto sobre o valor engadido (IVE).

Transcorrido o prazo establecido de xustificación sen que a Cámara Oficial Mineira presentase a documentación solicitada, a Consellería de Economía, Emprego e Industria requirirá ao beneficiario para que no prazo improrrogable de dez días a presente. A falta de presentación da xustificación no prazo indicado comportará a perda do dereito ao cobramento total ou parcial da subvención e demais responsabilidades establecidas na Lei de subvencións de Galicia. A presentación da xustificación no prazo adicional establecido neste apartado non eximirá ao beneficiario das sancións que conforme á Lei correspondan.

A Consellería de Economía, Emprego e Industria resérvase o dereito de solicitar toda a documentación que considere precisa, en relación coa xustificación do cumprimento do obxecto do convenio.

NOVENA.- CONTROL.

A Consellería de Economía, Emprego e Industria poderá levar a cabo as actividades de inspección que considere oportunas para controlar o cumprimento da subvención.

Alén do anterior, as subvencións estarán sometidas á función interventora e de control financeiro exercido pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño de subvencións de Galicia. Así mesmo, estará sometida ás actuacións de comprobación previstas na lexislación do Tribunal de Cuentas e do Consello de Contas.

DÉCIMA.- PUBLICIDADE.

As entidades beneficiarias do presente convenio consenten expresamente o tratamento necesario dos datos relevantes deste convenio e a súa publicación na páxina web, no Diario Oficial de Galicia, da Consellería de Economía, Emprego e Industria, coas excepcións previstas no artigo 15.2º d) da Lei 9/2007, do 13 de xuño, de subvencións de Galicia.

Do mesmo xeito, de acordo co establecido na disposición adicional primeira do Decreto 132/2006, do 27 de xullo, de creación dos rexistros de axudas, subvencións e convenios e de sancións da Xunta de Galicia, consente expresamente a inclusión e publicidade dos datos relevantes referidos, no devandito rexistro.

UNDÉCIMA.- COMISIÓN DE SEGUIMIENTO.

A Consellería de Economía, Emprego e Industria e a Cámara Oficial Mineira de Galicia, nomearán un representante cada unha, para realizar o seguimento e control do establecido en este Convenio, así como promover a realización de actividades que puideran enriquecer o desenvolvemento do mesmo. Esta Comisión deberá quedar constituída aos 15 días da sinatura



do presente Convenio e reunirse as veces que sexa preciso para o efectivo cumprimento deste Convenio, polo menos en dúas ocasións durante a súa vixencia.

DUODÉCIMA.- CONFIDENCIALIDADE.

O desenvolvemento das actividades obxecto do presente convenio poden implicar o acceso a información de carácter confidencial. As partes que interveñen comprométense a manter a confidencialidade de toda información facilitada entre elas que teña o dito carácter.

Cando a Cámara Oficial Mineira de Galicia desexe utilizar datos relacionados cos traballos que sexan propiedade da Consellería, para a súa publicación ou difusión, deberá solicitar a autorización desta.

DÉCIMO TERCEIRA.- RELACIÓN LABORAL COA CONSELLERÍA.

A subscrición do presente convenio non leva aparellada relación laboral contractual ou de calquera outro tipo entre os profesionais que vaian desenvolver as actividades e a Xunta de Galicia de maneira que non se lle poderá esixir responsabilidade algunha, nin directa nin subsidiaria, polos actos ou feitos acaecidos no desenvolvemento do mesmo.

DÉCIMO CUARTA.- MODIFICACIÓN.

Calquera modificación de algunha das cláusulas deberá ser solicitada pola Cámara Oficial Mineira de Galicia á Consellería de Economía, Emprego e Industria, quen decidirá sobre a súa procedencia, e no caso de aceptarse se procederá á súa formalización mediante a correspondente “addenda”.

DÉCIMO QUINTA.- VIXENCIA.

O presente convenio entrará en vigor o día da súa sinatura e esténdese ata o 31 de decembro de 2016, non sendo prorrogable a súa vixencia. Consonte ao recollido na cláusula terceira apartado A), admitiranse actividades do presente convenio anteriores á súa sinatura levadas a cabo dende o 1 de xaneiro de 2016.

DÉCIMO SEXTA.- RESOLUCIÓN.

Serán causas de resolución do presente convenio procedendo ao reintegro, total ou parcial, da axuda percibida e dos xuros de demora correspondente dende o momento do pagamento da subvención ata a data na que se acorde a procedencia do reintegro, as determinadas no artigo 33 da Lei 9/2007, do 13 de xuño.

En especial, son causas de resolución do presente convenio as seguintes:

- A desviación dos fondos outorgados para outra finalidade distinta da sinalada neste convenio.
- O incumprimento da obriga da xustificación do investimento realizado.



- O incumprimento de calquera outra das cláusulas establecidas no mesmo.
- O transcurso do tempo estipulado sen que se desenvolva o mesmo.
- O acordo mutuo das partes.

DÉCIMO SÉTIMA.- NATUREZA E RESOLUCIÓN DE CONFLITOS.

O presente convenio ten carácter administrativo. Correspóndelle ao conselleiro de Economía, Emprego e Industria a interpretación, modificación, resolución e nulidade do mesmo e a resolución das dúbidas que xurdan sobre o seu cumprimento, sendo os acordos tomados neste sentido inmediatamente executivos. Asemade, derivada da súa relación de entidade subvencionadora, correspóndelle tamén ao conselleiro a potestade de acordar o reintegro das cantidades percibidas. As posibles cuestións litixiosas serán de coñecemento e competencia da orde xurisdiccional contencioso-administrativa de conformidade coa Lei reguladora de dita xurisdición.

DÉCIMO OITAVA.- SUPLETORIEDADE.

O presente convenio queda excluído do ámbito de aplicación do Real decreto legislativo 3/2011 de 14 de novembro, polo que se aproba o texto refundido da Lei de contratos do Sector Público, en virtude do establecido no seu artigo 4.1, sen prexuízo da aplicación dos principios do devandito texto normativo para resolver as dúbidas e lagoas que puideran presentarse.

O presente convenio rexeráse polas súas propias cláusulas e en todo o non recollido nelas aplicarase o disposto para esta materia na Lei 9/2007, do 13 de xuño, de subvencións de Galicia, no seu regulamento aprobado no Decreto 11/2009, do 8 de xaneiro e demais normas de dereito administrativo.

Tendo lido o presente convenio e, en proba de conformidade asínase por todas as partes, por triplicado exemplar, no lugar e data ó principio indicados.

Pola Consellería de Economía, Emprego e
Industria

Pola Cámara Oficial Mineira de Galicia

Francisco Conde López